

»Redovni izvještaj dnevnih događaja i pojava«

Izvještaj se odnosi na događaje u vremenskom periodu od 25.12.2024. godine od 08:00 sati do 26.12.2024. godine do 08:00 sati.

Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Tehničke intervencije

Grad Bihać-Vatrogasna jedinica grada Bihaća imala je tehničku intervenciju, uklanjanje stabla sa kolovoza u mjestu Lohovo.

Općina Ključ- Vatrogasna jedinica općine Ključ imala je tehničku intervenciju od 00:30 sati do 01:50 sati u mjestu Sanica, uklanjanje stabla sa kolovoza.

Vatrogasne jedinice u ostalim općinama nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog većih količina snijega i nanosa obustavljen je saobraćaj za sve kategorije vozila na putevima: Bihać-Bosanski Petrovac -Ključ i Bosanski Petrovac- Drvar.

Na magistralnom putu Ključ-Sanski Most mogu saobraćati putnička vozila, ali otežano.

Zbog oteženih zimskih uvjeta obustavljen je saobraćaj za teretna vozila na graničnom prelazu Izačić. Na ostalim graničnim prelazima nema dužih zadržavanja za putnička vozila.

KLIZANJE TERENA, SNJEŽNE LAVINE I NANOSI (LP-4)

Zbog visokog snijega i snježnih nanosa za saobraćaj su zatvoreni putni pravci Bosanski Petrovac-Ključ. Putni pravac Ključ – Sanski Most je prohodan.

Općina Ključ

Općinski štab civilne zaštite općine Ključ donio je Odluku o proglašenju stanja prirodne nesreće od snijega i snježnih nanosa.

Na području MZ-e Velagići u toku dana vršeno je čišćenje lokalnih puteva. U ovoj MZ-i još uvijek su odsječena naselja: Nezići, Časatovići i Hasići i ova naselja su bez snabdijevanja električnom energijom i pitkom vodom.

U MZ-i Krasulje očišćen je dio lokalnih puteva, ali je i dalje bez snabdijevanja električnom energijom i pitkom vodom.

Naselja: Crljeni, Velečevo i Dubočani su i dalje odsječeni i nemaju snabdijevanje električnom energijom i pitkom vodom.

Prestanak snabdijevanja pitkom vodom u navedenim naseljima je uzrokovan prekidom snabdijevanja električnom energijom pumpi za vodu.

Općina Bosanski Petrovac

Općinski štab civilne zaštite općine Bosanski Petrovac donio je Odluku o proglašenju stanja prirodne nesreće (visok snijeg i snježni nanosi).

Službe koje rade na čišćenju lokalnih puteva vrše čišćenje prema naseljima: Smoljana, Bjelaj i Kapljuh. Naselje Kolunić je i dalje odsječeno i na području ovog naselja snabdijevanje električnom energijom i pitkom vodom je uredno.

Lokalni put Vrtoče-Krnjeuša je i dalje neprohodan. Do naselja Krnjeuša se može doći regionalnim putem R 14.2. Bosanski Petrovac –Vrtoče koji je prohodan.

Vodosnabdijevanje na području cijele općine Bosanski Petrovac je zadovoljavajuće.

Bez električne energije su naselja koja se snabdijevaju sa dalekovoda Bosanski Petrovac-Vrtoče- Orašac-Kulen Vakuf.

BEZBJEDNOST U SAOBRAĆAJU (LP-7) (saobraćajne nezgode)

Na području USK-a u protekla 24 sata desilo se jedanaest saobraćajnih nezgoda. Tri lica zadobila su lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

Snježne padavine pruzrokovale su velik broj kvarova na elektroenergetskoj mreži. Radnici elektrodistribucije još intenzivno rade na uspostavljanju redovnog snabdjevanja električnom energijom i veći broj kvarova je otklonjen. Još uvijek bez napona je:

- u gradu Bihaću, dio 10 kV dv Lohovo, naselja Orašac i Kulen Vakuf koji se snabdijevaju električnom energijom sa dalekovoda Bosanski Petrovac-Vrtoče-Kulen Vakuf.
- U općini Ključ- dijelovi dalekovoda: Pravija, Gračanica, Sanica, Kopčani, Velagići, Zgon.
- U općini Sanski Most, dijelovi dalekovoda: Sasina, Dabar, Podvidača, te TS-e Bošnjaci, Galaja, Ilidža 1,2 i 3.
- U gradu Bosanska Krupa, dijelovi dalekovoda Jesenica i Ivanjska.

OBLAST TELEKOMUNIKACIJA (LP-18)

Telefonske veze funkcioniraju u svim pravcima.

OBLAST VODOSNABDIJEVANJA (LP-18)

Općina Ključ-Zbog kvara na elektromreži i prestanka napajanja pumpi za vodu došlo je i do prekida u snabdjevanju pitkom vodom za potrošače u MZ-i Velagići i MZ-i Krasulje. Vodosnabdijevanje u ostalim općinama je zadovoljavajuće.

NEEKSPLODIRANA UBOJNA SREDSTVA –NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 07:00 sati temperatura je iznosila 0,3 °C.

Vodostaj rijeke Une iznosi 54 cm, (početak obavještanja je 100 cm).

Padavine: 2,3 l/m².

Visina snijega: 12 cm.

U općini Sanski Most u 08:00 sati temperatura je iznosila 0 °C.

Vodostaj rijeke Sane iznosi 152 cm, (početak obavještanja je 310 cm).

Padavine: 3 l/m².

Visina snijega: 10 cm.

Federalni hidrometeorološki zavod izdao je narandžasto upozorenje za zapadna i sjeverozapadna područja Bosne zbog meteorološke pojave-pojačan vjetar. Očekuje se da će 24. i 25. decembra 2024. godine udari vjetra dostići brzinu od 50 do 80 km/h.

Napomena: Služba civilne zaštite i vatrogastvo općine Bosanski Petrovac, Služba za razvoj, privredu i civilnu zaštitu Ključ i Služba civilne zaštite i zaštite od požara općine Velika Kladuša nisu dostavile Redovni izvještaj.